

GODIŠNJA SKUPŠTINA SAVEZA GiG-a SRBIH

5. aprila 1969. godine održat će se godišnja Skupština Saveza GiG-a SRBIH.

Skupština će se održati u prostorijama DIT-a Obala 21 sa početkom u 9h

D n e v n i r e d :

1. Izbor radnih tijela Skupštine
2. Izveštaj predsjedništva
3. Referat
4. Finansijski izvještaj
5. Izveštaj Nadzornog odbora
6. Diskusija po izvještajima
7. Izbor zaslužnih i počasnih članova
8. Izbor predsjedništva i komisija Saveza
9. Zaključci

PRIJE I ZA VRIJEME KONGRESA....

Za vrijeme održavanja IV kongresa dok su čitani referati i vodjene diskusije, delegata je bilo po hodnicima, na izložbi instrumenata ili u kafani.

Bilo je straha da neće biti dovoljno vremena da se obnove uspomene, da se popriča.

Imamo nekoliko anegdota sa tih mjesta a nešto i iz predkongresne i poslije kongresne atmosfere.

Na jednom sastanku gdje su rasporedjivani zadaci za Kongres oko saještaja, ishrane, izleta, prevoza, dočeka, ispraćaja i ostalog, na pitanja predsjedavajućeg:

"Ko bi mogao to uzeti?", obično bi nastao tajac, a onda bi se čuo poslije većine takvih pitanja jedan isti glas:
"Mi ćemo to - ja i drug F."

Naravno, pošto je to učestalo, drug F. samo se vrpeljio na stolici, dok se još nekoliko puta čulo ono isto:
"Mi ćemo to - ja i drug F!"

Prošlo je 15 godina a da se nisu vidjela dva dobra druga. Kada su se ugledali, slijedio je zagrljaj, stisak ruke i prve riječi:

- Alaj si se ti udebljao, kao bure sit
- A ti si mi opet smršao, ali samo po glavi!

Organizovana je bila i zajednička večera u hotel Evropi za učesnike i delegate Kongresa. Organizator se bio prevario u računici pa je naknadno tražio još po 10 n.d. za svaku večeru. A poslije večere, čule su se i ovakve:

"Ovo su organizatori uzimali još po hiljadarku, trebalo je kupiti ekstra nož da bi nekako uspjeli prerezati šniclu"!

A jedan drugi učesnik pita jednog od organizatora:

- Gdje bre, nadjoste ove opanke za onolike šnicle?

Kafana u Demu milicije, bila je uvijek puna. Za jednim stolom čuo se razgovor:

- Od Oslobođenja sastajemo se 4 puta na kongresima, a na skupštinama - bog zna koji puta - ali od svega, ni kad ništa, naravno ako isključimo ove razgovore u kafani".

NOVE KNJIGE

Tomo Begenišić, Viša matematika I i II dio

I dio, teorija sa riješenim zadacima
II dio, zadaci za vježbu sa rezultatima

Izdanje: Zavod za izdavanje udžbenika - Sarajevo, 1968.god.

Cijena: 60 dinara. Knjigu možete nabaviti u knjižari "Veselin Masleša" Sarajevo, Maršala Tita 52.

IN MEMORIAM SMILJANIĆ LJUBOMIRU

Dana 7.jula 1968.godine u Bihacu je umro Smiljanić Đurdja Ljubomir, geometar. Ta vijest je zaista neugodno iznenadila sve njegove prijatelje i poznanike, a pogotovo one koji ga zadnjih godina nisu vidjali. Naime, pokojni Ljubo je sve do nazad 2 godine bio zdrav i uzorne fizičke kondicije. Medjutim, neizlječiva bolest ga je uhvatila nekako u 1966.godini, te je poréd svih nastojanja zdravstvenih radnika istoj podlegao.

Ljubomir Smiljanić je rodjen 29.9.1911.godine u Bos.Petrovcu, a STS - geodetski odsjek završio je u Beogradu 1933.godine.